

處實堂集

處實堂後集卷之三

長洲張鳳翼伯起著

五言絕

題画

水色寒分綠山容曉迭青
空村塵不到人在艸玄亭

題虎溪三笑

蓮社偶追隨殊方亦同調
送客過橋時還須撫掌笑

行路難五首

太行未爲險黃河不言曲
寧知方寸中別自有溪谷
天涯未是遙對面元非近
人生聚散踪殘霞與朝槿

紅日薄西山閒雲在中野如今水上鷗非復忘機者
高柳鳴秋蟬絲中聲謾傳一朝蟬蛻去不爲萬絲牽
飛燕繞画梁花邊顏色改泥香即可棲不須尋舊壘

趙君購得乃父遺扇爲題

仁風貽手澤名筆詠芝蘭不恨楚弓失還欣趙壁完

題折柳

堤上柳條新攀條贈遠人不禁離別恨葉葉是眉顰

題美人剪蒲

梅黃膏雨深蘚碧盆池淺院靜人不來蒲香落金剪

題歸樵

推蘇日欲暮馳歸甘苦辛寧知肉食者不是採薪人
菜

春雨潤荒園烹蔬瀉綠尊年來無事做不用咬其根

綠珠

金谷爲全節玄亭非保身須知投閣者不及墮樓人

八月十三夜

空庭萬籟寂別是一林秋素影流蟾蜍清光勝虎丘

七言絕

十一夜步月

深夜探奇興不窮提壺衣褐更衝風
須知雪月交輝處身在瓊樓玉宇中

觀明皇作樂圖

棟萼樓前賜燕回沉香亭下玉人來
琵琶正和寧王笛其奈漁陽羯鼓催

壽孫齊之二絕

稱觴良日泛流霞何異興公在永嘉
聞說天台今賦就延年豈必飯胡麻

琴川別有一絃琴時寫公和讀易心無俟中臺徵彩賦道
然清嘯是知音

題秋江待渡

無邊落木下平臺斷嶺蒼松古剎開何事畔傍騎馬客隔
江遙喚渡船來

題楊妃上馬圖

沉香亭下錦爲屏聽罷清平出帝庭馬上只扶妃子醉
尊前誰識壽王醒

詠柳

遙憐興慶漢宮池不似章臺楊柳枝試看長條春濯濯可

如張緒少年時

獨坐

春來嘉會不重逢
老去歡踪難更卜
須知髮短世情疎
惟有殘編伴幽獨

地衲

九年荒度爲蒼生
胼胝應知績用成
不似西秦傷地脉
獨教蒙氏築長城

廬山瀑布

五老峯高瀑布懸
銀河千丈下遙天
披圖不盡神遊意
三復長庚攬結篇

西湖春景

駘蕩韶華三月天
蘇堤花柳六橋烟
画舫簫鼓邀歡處
回首西湖四十年

觀潮夏景

六月飛濤撲面涼
錢塘江上片帆揚
乘風破浪非難事
五尺生綃在画堂

赤城秋色

石梁何處是天台
繡壁丹楓一徑開
安得夢遊凌倒景
空中日月照樓臺

解嘲

元非宋玉在東家彩筆嘗描鏡裏花賦就閒情寄騷雅莫
嫌白璧有微瑕

送徐孝廉會試

南州孺子久知名挾策乘潮一葉輕
迢左只今方告急及時知欲請長纓

對菊志感

數本偏宜映夕陽何須魏紫與姚黃
可憐青女陵萱艸不及茱萸獨傲霜

題渭川圖

烟水沙汀足隱淪空山大澤絕風塵
寧知漁獵磻溪叟卽

是鷹揚牧野人

志夢

信宿山中始入城
小樓欹枕月三更
夢魂不道金萱萎
猶向慈闈定省行

臥遊

謾言五岳好躋攀
那得扁舟便往還
濟勝已無垂老具
臥遊隨處是名山

小除夕迎春獨坐客勝齋作

小齋兀坐撥寒灰
殘臘無多淑氣催
永雪總然成歲暮
尚留一日待春來

題芍藥雙鴿

春深庭院鎖蒼苔
芍藥闌前次第開
白鴿一雙何處至
疑從碧落剗碑來

題虞美人草上蛺蝶

萬事悠悠一夢過
千秋空說拔山歌
美人老去嘉名在
相對翩翩柰若何

造酒

年年造酒奉慈親
膝下承歡座上春
此日壚頭還造酒
能供奉百年人

題女仙像

雲履霓衣擁霧鬋散妝無俟玉蓮冠繁華不染人間世應
向瑤臺服大丹

翠袖倚修竹

凝粧脉脉倚琅玕翠袖臨風生暮寒自是貞心寄高節不
緣深處學棲鸞

送毛肇明就教

再上都門墨綬新一官發軔濟時身不因捧檄輕毛義張
奉元知喜爲親

月夜烹惠泉

步入招提夜未闌竹爐應許寄清歡山靈知有品泉客先

挂林端小月團

錦帆涇

一灣流水遶吳城千載豪華浪得名若說西施泛湖去錦帆應讓布帆輕

吳會曲

五湖三萬六千頃八門三百九十橋烟水至今人蕩槳月明無處不吹簫

八月十七驟雨竟夕作

七里芳堤古寺幽百舡簫鼓鬧中秋雨師似爲山靈計一洗塵囂見虎丘

張騫

陰溟西使恣遨遊
萬里窮荒兩鬢秋
不識同行幾人在
獨令博望得封侯

綠珠碧玉

喬家碧玉終沉井
石氏綠珠甘墮樓
不似溪邊浣紗者
洗綰還上五湖舟

臥遊

看遍世情嫌齒冷
消磨習氣覺心閒
臥遊別有躋攀處
不獨雲山好破顏

懷顧道行三首

當時風調寄新聲酒畔豪華物外情一自乘雲歸帝所松陵烟月照空城

當日新聲入綺筵武陵人去又三年可憐點鐵成金手無後桓譚識草玄

天台藻賦欲鏗金當日興公遇賞音一自鍾期成異物更無高調入牙琴

惡夢

塵心已息棄瓢日惡夢猶驚下第初豈是前生餘宿業羊腸只合老鹽車

詠所見

若爲行道獨遲遲日暮風高不耐吹可惜江梅成太瘦不
同松柏歲寒姿

感事

關河芻粟滿樓船羽檄徵兵又塞川祇見金臺屢推轂不
知稅駕是何年

沈桐汭書至已復姓更名賦此荅之

陶朱辭越還爲蠡張祿相秦仍是睢遠信開緘驚姓字始
知慕蘭有相如

杏花春燕

玉曆新頒淑氣催曲江十里杏花开啣泥獨有巢梁燕管

領春風自去來

元長宗侯東湖別業遙賦

王孫別業在東湖
烟水亭臺擁畫圖
謾說梁園頻授簡
只今詞賦屬鴻都

哭張幼聞四首

音容久已隔仙凡
弱冠偏憐任子咸
一面浹旬成久別
黯然無語濕青衫

當門青女萎蘭芬
出岫狂飈散彩雲
衛玠非千人看殺
自應天上作修文

三生交誼忝忘年
一夕崑岡烈火然
腸斷舊時興慶柳
萬

絲空挂墓門前

丹山方得鳳凰雛
合浦先分明月珠
痛殺小窓風雨夜
少年婆娑擁遺孤

解嘲

濟勝未能躋五岳
憂時何敢說三空
從人詐善譏張湛
任我醒狂如蓋公

髮白

半世烟波守釣綸
玉京回首幾番春
英雄到老頭須白
不獨科名解賸人

筆耕

筆爲耒耜硯爲田門外時傳買賦錢莫笑虛名賈微利小
窓亦得了閒緣

禁酒

形神何事不相親禁酒于今已浹旬多病自知應節飲敢
云座上獨醒人

題破衣

誰謂補衣猶有完披襟應憶舊承顏慈親已隔人間世破
褐空存兩袖斑

怡曠軒雙梧爲風所拔易以二松喜其有成作

昔見桐陰淡河漢今見松姿挺霜雪莫嫌失却棲鳳美偏

喜猶存後彫節

顧曲解嘲

芳筵十日酒千鐘一曲新聲萬戶封
莫笑暮年首律好東吳祖逸亦吾宗

和陳金部題漂母祠

當時漂母贖王孫定霸歸來帶礪存
已解千金酬一飯肯辜推食解衣恩

題松林緩轡圖

豈無三尺試青萍松下閒騎款段行
只恐黃塵侵綠鬢懶披金甲出長城

辭陳使君招飲

由來懶性難諧俗，奈可虛名足累身。
詎有朝從放歌客，又能夕作折腰人。

夢登金山題壁

萬里洪流下海門，凌波直望恥乾坤。
龍宮自聳千年觀，黿極應留一柱存。

無題六首

布被繩牀破紙屏，廿年高枕適餘生。
一宵風雨蕉園宿，不
是巾車不可行。

經年世路已埋輪，花縣逢迎及早春。
自愧倦遊非令客，無

端忽問聽琴人

適孟令君
戲相問

一番風雨洗春愁
藥裹關心臥小樓
寒食以前回首處
大都烟月夢揚州

風前飛絮不成眠
簷外游絲祇自牽
午夢乍驚香未散
可憐三月艷陽天

密雲閉戶篝燈話
暗雨敲窓對榻眠
不恨仙山難久住
須知七日已千年

朦朧烟月路透迤
迤戍漏沉沉罷燕時
自笑夜深耽顧曲
不嫌五尺應門遲

紀事

垂虹橋下太湖邊風雨松陵夜泊舡總是來朝應返棹暗
窓欹枕不成眠

連宵風雨鎖重門秉燭歡呼傾綠尊偏是月明人不見小
樓支枕自黃昏

千家送臘各紛然艸閣飛觴興味偏莫道小除容易別亦
須會面待來年

中天月上人爭賞官道花開客可來我自水中窺月影亦
從鏡裏看花開

玉樹相輝物候新應知綺席貯花神不教蕙艸銷春雪何
必梨花與白人

火樹銀花四座春
尊前獨作向隅身
遙知新月能相証
不奈良宵少一人

每逢良約雨淒淒
祇恐花邊路欲迷
世態大都如野馬
浮生何用作醯鷄

濯濯池邊一樹新
應憐張緒少年身
黃鸝只合深藏舌
莫說春愁惱玉人

庭際榴花照眼新
紅裙多少妬花神
爭知麗色宜長日
不恨開時不見春

三度追隨四日中
別來猶覺太匆匆
今宵不爲重城隔
烟月雲山有夢通

題竹院逢僧話圖

須知竹院愜幽尋相對蒲團意獨深
邇日逢僧閑話者禪心多半是機心

解嘲

日日風前傾百杯百年三萬六千迴
莫嫌老去童心在皓首偏應笑口開

周郎顧曲早辭吳白傅長歌亦向隅
誰謂秦青生較晚天留嬌唱樂桑榆

聽鼓

玉人歸早與歸遲烟水微茫總不知
支枕空樓頻聽鼓斜

風吹雨夢回時

題牡丹下雉

姚黃魏紫競芳菲下有靈禽整羽衣莫恨文章老巖穴名
花相對自相輝

送朱君實以繪事應召北上

中丞孫子自英雄直節由來述祖風此去流民應滿眼好
教寫入畫圖中

卜築志感

三徑重開寄賞新橐金雖罄不言貧風波歷盡形骸在還
與林泉作主人

題鍾羽修画

扁舟落日放江湄
曲徑前村樹陸離
一段高山流水意
滯毫知已屬鍾期

白公石松

千秋白石百年松
一曲烟霞隱臥龍
莫笑竒材老吳市
喜無秦爵與陳封

題西園雅集圖二首

名園幽勝學山家
薜荔成圍一徑斜
良日開尊集羣雅
不同金谷闔繁華

金閨僊侶赴嘉招
散坐閒行物慮消
佐酒不須絲竹奏
主

人元自狎秦簫

風作懷倪馴之

月明相送放舡遲
子夜驚濤到枕疑
白浪忽成三尺雪
風波如此欲何之

虎丘三首

偶過生公舊講臺
三生石上一徘徊
携壺自愛林泉勝
何必山靈喚我來

臥遊久不到名山
纔入名山卽解顏
勝境亦知人競賞
蘿關安得禁躋攀

鐵花巖畔自長春
蠟屐來登景物新
總是名區擅奇勝
雪

山輕重亦由人

聞鷄

匡牀紙帳宿餘香
天許莊生蝶夢長
月落一聲天未曉
不知茅店板橋霜

賀陶母九十誕辰長孫授室

三星聯婺物華新
燕喜稱觴九十春
座有嘉賓尊有酒
試看截髮是何人

十三日午夜聞鐘

銀河西畔玉繩東
雲雨蛟龍杯酒中
聽罷疎鐘心似水
一窗寒月萬緣空

十四夜獨坐有感二首

六街金鼓夜聲喧
節候相將及上元
何似小窓成獨坐
一編燈火自忘言

晚來無事慕追歡
夢斷揚州得達觀
彼岸乍登跌坐穩
須知回首是波瀾

十五夜書懷

綺筵燈月自交輝
其奈蕭齋樂事稀
老去春情渾易減
破除應不俟禪機

聞鳥鳴

春入空庭嬌鳥鳴
窗窻拂曙作春聲
虞廷已隔人間世
何處

處簫韶奏九成

百舌

一聲窓外報春遲
花底如簧曉夢疑
只恐園林逢仲夏
舌存空自羨張儀

題文文休承夜景

疇昔蕭齋靜掩門
濡毫點染作江村
名流已入山陽笛
惟有桑皮夜色存

題邊景昭寒雀圖

隴西畫史侍鵷班
爲雀傳神凍卉間
飲啄自從生處樂
群飛不向紇十山

夢客以小像索題此

皂帽藍袍白練裙身藏豹霧氣凌雲須知繡佛香花供半
屬維摩半屬君

感事二首

萬里迢迢五鳳城鶴鳴誰和九臯聲亦知足國須藏富不
在瓊林與大盈

天書日下急催科其奈逃下戶已多漫說南薰能解愠虞
廷方奏阜財歌

題茗話圖

棋檯試煮竹爐烟共結茅齋物外緣相對自應蜚玉屑止

談風月不談禪

紀事

七里山塘雨後歸夜深猶自叩柴扉
寒幃數語出門去烟月滿庭螢火微

聞鶯

夢回蝴蝶紙窓明枕上驚聞三兩聲
豈必隣鷄能報曉林間拂曙有啼鶯

獨坐對月

閑庭風入暑全消木末鳴蟬伴寂寥
明月亦知枯坐久過墻元不俟人邀

聞適

即知人壽比椿齡未許閒心役委形午夢乍回無客至小
窓跌坐讀黃庭

葵花

晴傍粉牆元衛足雨沾羅袖亦傾心西風染就鵝黃色直
作天花初散金

中秋獨坐對月

短簿祠前飛羽觴生公石上少年場寧知掃榻焚香處亦
有中庭月一方

客以仕籍中同名爲國博者相戲荅之

誰遣劉郎作國師
逃名曳尾我何知
慚非驚座令人起
幸不循牆使母疑

題画

叢林曲徑出風塵
未必山深絕四隣
五尺應門疑聖處
過橋知有問奇人

題陳甥遺像

芸窓憶昔課兒時
回首霜凋未老枝
此日披圖成恍惚
可能重說渭陽詩

志園鴛鴦至奉懷舊太守石公二首

石守當年池上行
小池一日重題名
入秋依舊馴鴛狎
何

虞實錄卷之三
日能酬竹馬迎

岷山處士構巢居廣漢太守親詣廬此日奇禽還就掌門
前誰復下高車

蠟梅

只道采花鎔作蠟寧知綴蠟復成花
淡黃純素雖然別同
向孤山處士家

詠廉石

繽紛車騎爲誰來知是揮人栢府開
驄馬若經廉石過定
教拂拭舊蒼苔

感事

百年遙冒擅清流一夕園牆泣楚囚毀裂衣冠君莫說只應慟哭過西州

有感三首

桃源何處是安居燈火刀戈接里閭莫歎監門受笞苦且容張耳躡陳餘

漫說吳中不夜城典衣燒燭淚俱傾杞人別有憂天處多在通宵擊柝聲

然燈擊柝夜何其知是山公醉似泥老婦方悲石壕吏兒童誰唱白銅鞮

題采樵圖

一丘一壑值千金
美爾幽居深更深
日暮莫愁樵采路
虎狼今不在山林

題鷹

吳王臺上海雲憑
齊女城中夜放燈
羣雀莫耽生處樂
耳邊飛攫是蒼鷹

夜禁二首

金吾禁夜肅更巡
紅日銜山燈火親
近市久聞傳踊貴
六街先已少行人

迎醫療病及清晨
纔到黃昏莫免身
爲說通衢方禁夜
閉門高臥是良民

晝寢

穠李夭桃總不時
江梅籬菊或相宜
如今獨得空中相
一枕殘編兩鬢絲

得鶯雛參成任去

羣鴉爭喙墜雛鶯
顧復須教羽翼成
待得金衣穿翠柳
報恩莫惜送新聲

詩嫌望報再賦一絕

羽衣零落乞憐頻
顛墮泥塗待哺身
他日枝頭逞聲色
不須重說養鶯人

立秋

風生碧梧大火流一葉落知天下秋所欣酷吏日已遠却憶故人何處樓

詠大樗

風霜自足老樗材官道何須匠石來多少鞭枿登棟宇阿房一炬栢梁灾

詠老少年

秋容燦燦向人明掩映戎葵倍有情旣與霜華借顏色若爲猶冒少年名

十六夜與初純二孫看月有感

二十年前二子陪今宵看月兩孫來老懷合與兒孫飲無

俟賓朋共舉杯

大夢

眼前未得觀空術世上應無如意人
老去始知身是夢覺來莫說夢非真

劒池

莫向山中汲劒池
輓轡機械使人疑
如今不羨金莖露
非復相如病渴時

題鷗鵲飛燕

擇木已知靈鵲意
忘機安得海鷗親
年來王謝風流盡
敢與烏衣作主人

杏花

歲序東迎淑氣回黃金臺下杏花开曲江十里春何限不
許劉蕡躍馬來

廣陵散

廣陵絕響夜沉沉何物韓臯獨賞音春雪滿園終易和只
應搥碎伯牙琴

戲示福徵

晴窓知爾集軒岐好尚應于土俗宜一自茂陵多病後更
無人作老人醫

夢中聞樂

江上瑤琴度廣陵峯頭寶瑟鼓湘靈夢中自有鈞天奏不
許尋常俗耳聽

題畫

飛流千尺出風塵莊惠凭闌自主賓相對已多山水意過
橋還有抱琴人

觀劇二首

綽態新聲總絕倫妝成一笑画堂春非關倚市無顏色自
是登場有玉人

啓口櫻桃紆小紅回眸秋水起微風平康浪說花如錦敢
向芳筵妬入宮

解嘲

昨來吹火摘園蔬今日烹鮮食有魚
客饌莫嫌豐齋異祇隨賣賦與傭書

題枝上鳩

喚雨呼晴在艸茆密雲時復自西郊
林間亦足藏吾拙何必城隅有鵲巢

睡起

連宵烱月使人憐博得佳牀幾醉眠
不惟曉鶯驚短夢醒來依舊聽鈞天

朱竹

常聞碧玉萬條烟何事淇園忽改觀豈是曾過丹穴鳳紅
光留得照琅玕

鷄冠

雄冠一種照庭除岸幘疑矜赤玉書若對山鷄定鳴舞不
須大鏡借蒼舒

茉莉

已從西域傳炎海又到東吳助曉粧老我久無紅粉侍不
須貫縷學盤香

題董奉杏花居圖

清溪茆屋出風塵細雨江南物候新千樹杏花春滿眼主

人知是見垣人

彭祖觀井圖

服藥求仙歎隙駒人間元自有蓬壺欲知閱世長生訣但
看商賢觀井圖

賦得日葵贈黃瘍師

無雙苗裔業軒岐須信瘍師卽藥師種杏不須誇董奉
葵何必學公儀

老驥

秋高牧地艸全枯冀北誰收汗血駒千里不須悲伏櫪霜
蹄猶可識迷途

夢醒

敝帷破被適餘生
殘醉朦朧夢易成
雲雨無端宜喚醒
不須枝上打黃鸝

題釣雪圖

江天雪色作迷津
多少漁舟罷釣人
知是水寒魚不餌
垂綸猶自有玄真

田橫

田橫何必終歸漢
徐福當時已避秦
雲海茫茫天萬里
乘桴猶可問迷津

中秋家庭對月

時星宿二兄初
純交三孫侍

人從天借尊前景天許人全物外身父子祖孫俱是主獨
邀明月作嘉賓

東方朔

秋入承華寶殿開纖雲至青鳥共徘徊寧知大隱金門客曾
向蟠桃會裏來

感稅

萬戶逃亡野艸生九重三殿幾時成不知諸路征商處多
少膏脂入大盈

鵲鵲

秣宜艸上喙飛垂肯爲王孫奪首功待得千金成一擲勝

時還向錦囊中

紀事

軍五旗幟鹵簿陳傾城觀望一時新莫嫌斗室成枯坐夏
統從來木石人

長春花

丹葩碧葉歲寒身大似人間難老人漫說靈椿八千歲幽
姿亦自可長春

題吐綬鳥

一丘一壑自翱翔不獨丹山有鳳凰試看春明能吐綬須
知滿腹是文章

劉司戶

南國佳人元易老北平飛將自難封至今傳誦劉蕡策不
恨當年隔九重

二月九日風雨竟夜

仲春風雨似冬初輒夜寒聲短夢餘三十年前棘園事不
禁回首一躊躇

懷鴛鴦

空談丁令遼城鶴漫說山陰道士鵝却憶鴛鴦馴擾處小
池一曲戲晴波

客以同名事相問戲荅

藏名吳市樂幽居一枕殘編大夢餘豈是同時有英蘭敢
煩犬子慕相如

諺語

鳥性飛揚自得真花開枝上始精神大都花鳥難拘管咲
殺折花籠鳥人

漫興

五尺顏垣綠蔭開數弓荒徑點莓苔鷦鷯已適巢林意焦
鹿無煩入夢來

端陽

律轉粧賓淑景移閒庭花事發戎葵延年自喜留青鬢續

命何須繫綵絲

題采石圖

當年乘酒跨長鯨采石磯頭秋月明
但使清江化春酒千秋還醉李長庚

浣紗溪

西施昔日浣溪頭千載溪名重
女流豈可人無丈夫氣不教名與峴山留

寄題項廟

泗上空祠烟水濱一時英烈自千春
蛇神不許完顏亮柳色還憐虞美人

贈錢子耕塾師

市隱江村亦臥龍
自來經笥足三冬
欲知大小隨人叩
但聽寒山寺裡鍾

寄質甫

憶昔開尊笑語低
小樓窓下画堂西
如今皓首天南北
千里雲山夢亦迷

恬澹觀白鸚鵡二首

藁祠寂寂掩朱門
鸚鵡西飛舊樹存
不是芳洲無住處
王陽先已作王尊

隴樹西辭入梵林
振毫猶有息爭心
雪衣亦作緇衣語
口

口頻呼觀世音

念幼聞未葬

少年洗馬號神清
恍忽乘雲入帝庭
王謝自應敦舊好
幾時薄祭上江寧

屏上紫薇盛開

朝端綸閣爲郎署
天上星垣近帝樞
何似一屏添野興
忽疑鐵網出珊瑚

燕子樓

樓頭燕子還歸社
樓上佳人已變秋
莫恨十年成獨守
譬如身墮綠珠樓

題瀟湘八景

山氣霏微漾青紫山前買易人如蟻若無鷄犬與人聲只

道登州開海市

右山市晴嵐

十里暗雲深極浦漠漠空江夜方午莫洗蒼梧竹上班恐

作巫陽暮行雨

右瀟湘夜雨

落霞飛鷺空山暮暝色微茫鎖烟樹一聲巖畔起疎鐘似

爲山僧引歸路

右烟寺晚鐘

東村漁舟歸蕩槳西村漁家已曬網青帘酒母誇數錢夕

陽一片漁歌響

右漁村夕照

楚客愁聞子規語羈懷不柰思家苦秋風應解識歸心偏

送孤帆下長浦

右遠浦歸帆

洞庭湖中秋水長一片清寒混霄壤中懸玉鏡漾修眉照見君山三萬丈

右洞庭秋月

御廬書空自荆楚安得漁村羅網罟高飛冥冥落平沙猶欲爲儀惜其羽

右平沙落雁

同雲漠漠雪千里獨釣寒江者誰氏玄真意本不在魚一任水寒魚不餌

右江天暮雪

盆池蓮開

小小盆池水一洼亭亭却喜發雙花不須太華峰頭見自修窓前有若耶

感懷

木落風高孤雁驚不禁戶外肅秋聲
隔庭尚有殘籬在腸斷黃花當紫荆

睡醒聞笛

斷雲殘雨過孤城一枕揚州短夢驚
忽聽隣家弄長笛數聲恩怨不分明

題湖頭閑泛圖

淺水蘆花物外天汀洲漠漠鎖寒烟
五湖儘有逃名處何必綸竿始放舡

紀夢

霜風寒月小窓虛
破被添綿樂有餘
伏櫪久無千里志
無端殘夜夢公車

苦夢

空樓避暑小窓開
一枕南薰萬慮灰
其奈人間惆悵事
夜深還到夢中來

苦寒連日忽暖如暮春

極寒驟暖不終朝
造物疑將待熨調
謾說永霜歲云暮
一痕春信在垂條

蜘蛛

舒卷簷牙亦苦工
綴花粘絮巧縈空
莫嫌結網成何事
自

侈經綸在腹中

驚蟄懷古

范睢忍辱方逃魏
蔡澤聞言將入秦
應是春雷能啓蟄
亦知尺蠖欲求伸

題唐六如杖頭錢圖
六如有閒來自寫
青山賣不使人間
作孽錢之句

六如居士倦遊身
自寫青山賣與人
此日杖頭供取酒
不須魯氏論錢神

僧入山修行乞詩書此贈之

潛修知欲入祇園
貝葉蓮花好自翻
何必新詩壯行色
古

來得象在忘言

閱黃庭經自遣

隔牆伐木日丁丁自修戎葵在小庭閉戶久無題鳳客臨
窓且閱換鵝經

賀人端午生辰

荏苒薰風入画堂葵榴滿眼佐蒲觴知君自解高門戶不
礙生辰似孟嘗

子夜

蕭齊子夜夢初回坐擁寒衾曉箭催遠寺鐘聲風送至小
窓梅影月移來

賀人遊泮

萬言知己足三冬
發軔欣看俎豆容
莫道泮池尋丈地
須教雲雨起蛟龍

題獵騎圖

秋風拂地起邊塵
何事長楊校獵頻
可惜龍駒千里足
解鞍閒逐臂鷹人

雪

雪深三徑絕人蹤
遠近千山縹緲中
却笑茆齋僵臥者
美人驢背獨衝風

雁

冥冥健翮出風塵
豈必衡陽好問津
莫笑啣蘆飛獨遠
江干怕有捕魚人

漫述

不能講學不參禪
別是無懷與葛天
渴飲饑餐吾事畢
獨支高枕北窓眠

遊仙

長林豐艸足浮生
流水桃花非世情
漫說桑田經海變
但留人壽俟河清

題鹿

絕憐青鬢老紅塵
鏡裏年年白髮新
何似食華幽澗鹿
不

論蒼白可千春

論折花人

四郊花事被春催
花下遊人競往來
爲語來人不須折
此花元不爲君開

諸徐丈邀觀劇呈欽愚公

歲寒先借綺筵春
顧曲追歡宴賞頻
公子忘疲應好老
招尋未許白頭新

庭梅晚開作

雪厲霜凌萬木萎
小庭纔放兩三枝
歲寒自侈偕松栢
不怨離騷獨見遺

恭讀 聖俞荒疏六首

千里懷襄戶向隅一封朝奏夕蠲租不因開府回天力誰
遣窮簷遍地蘇

宸衷已切如傷念良弼尤深已溺憂倘識王心寄溫詔卽
知民命繫嘉猷

救荒奇策藉明良千里都俞在一堂民瘼已懸旁死魄天
恩直作返魂香

九重八月發陽春萬戶謳歌德澤新巽命還祈蠲稅課迷
津計日作通津

蒼赤多爲及溺身千門萬竈半沉淪異時鼓腹含哺者莫

忘焦勞拯溺人

東南黎庶半爲魚
當寧憂動宵旰初
但命四方停稅務
不須內府渙王居

題杏花班鳩

二月飛鷹化羽毛
喚晴呼雨過林梢
杏花春事江南足
豈必高城借鵲巢

過白公石

曲水荒園冷勸酬
白公遺石偶然留
相依獨有疎松在
凍雨寒烟無限愁

二陸

回首華亭鶴唳時
萼羹鱸膾正相宜
可憐不讀留侯傳
只合歸來賦黍離

采蓮二首

日暮吳姬蕩槳回
綠楊影裏棹歌催
只疑樹上新鶯囀
不道人從花底來

沿溪灼灼逞紅妝
夾岸翩翩遊冶郎
共道休歌采蓮曲
莫須驚起兩鴛鴦

謝博徒

食貧取給杖頭錢
晨夕甕食淡出研
田官信生平無負
進博徒何事到門前

詞

却夢調寄浪淘沙

昨夢太顛狂覺後都忘依然艸榻水雲鄉世路筭來元是
夢無夢何妨雲雨舊高唐曾惱襄王爭如蝴蝶化蒙莊
一枕邯鄲成底事飯熟黃梁

和倪元鎮江南春

附弱冠作

石湖水煖青蘆芽碧雲鎖溪巖扉靜一聲嬌出雙金梭緩
織柔絲透窓影睡花不怯苔茵冷桐樹陰輕覆丹井小樓
病酒朝不巾日高紙帳縈香塵東風顛輕帆急夾岸茅
簷燕泥濕往事悠悠已無及連天細浪傷心碧江山悵望

營營

生妻邑亂紅驚眼凭闌立江口春事如轉萍少年不樂空